

# SÍNTOTE

Canta o río  
no Toxal,  
i en Valentín.

Canta o río  
na miña alma.

El quere que sexa así.

Contan as túas augas  
moito do noso ser.

Levan risas, ilusións  
e bicos no anoitecer

Mais tamén levan a negrura

da desidia e da avaricia  
das xentes de mal ser.

Non son quen de sentirte  
nin de desexesarte ben.

Gosto saber que noutro tempo  
as túas augas corrían limpas  
coma o sangue dun recén.

Sen maldade, transparentes,  
cheas de vida e ávidas de saber.

Porque ti és escola i és enredo,

és segredos de namorados,

é-lo río que ben quero

I é-lo que me fai padecer.

Mais tamén quita-las penas  
coma se foses un fillo.

Encántame cando te revolves

e disfruto véndote enchido,  
amosando a túa bravura,  
o teu xenio contido.

Pra despois voltares manso  
pra facerme de acubillo.

Camiñar a túa beira,  
acochada no valor,

fai que me sinta pequena.

Fasme sentir amor

Rosalía